

平成二五年度 大学院人文科学府外国人留学生・修士第二期・入学試験問題
(東洋史学)

次の問Ⅰ、問Ⅲについて答えなさい。解答は解答紙に記入すること。

問Ⅰ 次の小問①、②のいずれかを選び答えなさい。

- ① 三国時代の研究状況について論じなさい。
- ② 曹操墓研究の現状について述べなさい。

問Ⅱ 次の①～⑩の各用語を簡単に説明しなさい。

- ① 走馬樓吳簡
- ② 鄴
- ③ 都督
- ④ 吳書
- ⑤ 禪讓
- ⑥ 五斗米道
- ⑦ 刺史
- ⑧ 清談
- ⑨ 烏丸
- ⑩ 九品官人法

問Ⅲ 次の文章を日本語に翻訳しなさい。

孫堅字文臺、吳郡富春人、蓋孫武之後也。少為縣吏。年十七、與父共載船至錢唐、會海賊胡玉等從匏里上掠取賈人財物、方於岸上分之、行旅皆住、船不敢進。堅謂父曰「此賊可擊、請討之。」父曰「非爾所圖也。」堅行操刀上岸、以手東西指麾、若分部人兵以羅遮賊狀。賊望見、以為官兵捕之、即委財物散走。堅追、斬得一級以還、父大驚。由是顯聞、府召署假尉。會稽妖賊許昌起於句章、自稱陽明皇帝、與其子詔扇動諸縣、眾以萬數。堅以郡司馬募召精勇、得千餘人、與州郡合討破之。是歲、熹平元年也。刺史臧旻列上功狀、詔書除堅鹽漬丞、數歲徙盱眙丞、又徙下邳丞。中平元年、黃巾賊帥張角起于魏郡、託有神靈、遣八使以善道教化天下、而潛相連結、自稱黃天泰平。三月甲子、三十六方。一旦俱發、天下響應、熒燒郡縣、殺害長吏。漢遣車騎將軍皇甫嵩、中郎將朱儁將兵討擊之。儁表請堅為佐軍司馬、鄉里少年隨在下邳者皆願從。堅又募諸商旅及淮泗精兵、合千許人、與儁并力奮擊、所向無前。汝穎賊困迫、走保宛城。堅身當一面、登城先入、眾乃蟻附、遂大破之。儁具以狀聞上、拜堅別部司馬。邊章、韓遂作亂涼州。中郎將董卓拒討無功。中平三年、遣司空張溫行車騎將軍、西討章等。溫表請堅與參軍事、屯長安。溫以詔書召卓、卓良久乃詣溫。溫責讓卓、卓應對不順。堅時在坐、前耳語謂溫曰「卓不怖罪而鷓張大語、宜以召不時至、陳軍法斬之。」溫曰「卓素著威名於隴蜀之間、今日殺之、西行無依。」堅曰「明公親率王兵、威震天下、何賴於卓。觀卓所言、不假明公、輕上無禮、一罪也。章、遂跋扈經年、當以時進討、而卓云未可、沮軍疑眾、二罪也。卓受任無功、應召稽留、而軒昂自高、三罪也。古之名將、仗鉞臨眾、未有不斬以示威者也、是以穰苴斬莊賈、魏絳戮楊干。今明公垂意於卓、不即加誅、虧損威刑、於是在矣。」溫不忍發舉、乃曰「君且還、卓將疑人。」堅因起出。章、遂聞大兵向至、黨眾離散、皆乞降。軍還、議者以軍未臨敵、不斷功賞、然聞堅數卓三罪、勸溫斬之、無不歎息。拜堅議郎。時長沙賊區星自稱將軍、眾萬餘人、攻圍城邑、乃以堅為長沙太守。到郡親率將士、施設方略、旬月之間、克破星等。

(『三国志』卷四六孫破虜討逆伝)